

禮
記
鄭
讀
考

禮記鄭讀攷卷五

福州陳壽祺學

男喬樅述

喪大記第二十二

寢東首於北牖下。○注云謂君來視之時也。病者恒居北牖下或爲北墉下。

喬樅謹案阮氏校勘記云惠棟校宋本或爲北墉下無北字衛氏集說同按釋文爲墉音容是亦無北字又張敦仁撫本禮記鄭注攷異云注或爲北墉下各本同惟山井鼎所校宋板無北字案釋文以爲墉作音是其本無也喬樅謂經寢東首於北

牖下當作寢東首於牖下注病者恒居北牖下牖
字當作墉或爲北墉下當作牖下或爲北墉下轉
寫文有有譌脫耳何以言之鄭君釋經此句云謂
君未視之時此據論語鄉黨篇疾君視之東首爲
說也論語注引苞氏曰處南牖之下東首皇侃疏
曰玉藻君子之居恒當戶寢恒東首病本當戶在
北壁下君既來而君不宜北面故移處南窗之下
令君入戶而西轉得南向也故樂肇云南牖下欲
令南面視之者也若此經作北墉下則是疾病恒
處之所鄭注何緣釋爲君來視之之時乎惟經實

作牖下故鄭君又云病者恒居北墉下明此云牖下者以君來視之而移處也士喪禮死于適室注云疾時處北墉下死而遷之當牖下士喪禮記士處適寢寢東首于北墉下注云將有疾乃寢於適室喪大記此篇與士喪禮記文略同皆論疾病時事或本以上文無君來視疾語故依士喪禮記作寢東首於北墉下觀儀禮注言今文于爲於喪大記正作於字可爲今文禮家依士喪禮記以改喪大記之証故鄭君云牖下或爲北墉下釋文云北牖依注音酉舊音容下注牖下放此陸云依注音

酉知鄭所注本作牖字鄭君本既作牖則於下不當有北字蓋涉或本北墉下而誤衍也古者室南爲戶牖室北爲墉無牖或亦有之但謂之向不名爲牖故言牖下卽知爲室之近南處檀弓上篇飯於牖下以含一牀在室南牖下也士喪禮記設牀第當牖遷尸注云徙於牖下以襲一牀亦在室南牖下也陸云下注牖下放此明注中有牖下二字故陸云然如謂卽釋注中病者恒居北牖下句則當言下注北牖放此矣陸又云爲墉音容以經北牖下已言舊音容則注從可知故祇出注之或爲

埔下釋云音容陸氏本蓋於經北牖下誤衍北字
於注或爲北埔下又誤脫北字後人轉寫又誤脫
注中牖下二字遂致譌舛如是惠氏校語尚未得
其審也

賓出徹帷○注云徹或爲廢

喬樅謹案徹廢義同曲禮下徹緣注徹猶去也禮
器天子諸侯之尊廢禁注廢猶去也士冠禮徹筮
席注徹去也此記上文廢牀徹褻衣注廢去也士
喪禮徹帷注徹帷屋之事畢則下之屋者褻舉之
名則此徹帷亦謂屋之也

君設大盤造冰焉大夫設夷盤造冰焉士併瓦盤無冰
設床檀第有枕含一牀襲一牀遷尸于堂又一牀皆有
枕席君大夫士一也○注云此事皆沐浴之後宜承濡
濯弃於坎下札爛脫在此耳

喬樅謹案儀禮士喪禮管人汲之下云士有冰用
夷槃可也是造冰寒尸事在沐浴之後故鄭據以
爲說訂此節之爲錯簡也

食於簋者盥○注云簋或作箕

喬樅謹案明堂位雕簋注云簋邊屬也以竹爲之
與此注訓簋爲竹筥義同簋或作箕者古簋字與

撰通漢書藝文志門人相與輯而論纂及叙傳下
纂書刪詩注並云纂與撰同此記釋文纂本又作
匯又作算攷士冠禮注云匯竹器名古文匯爲纂
算亦與選通詩威儀棣棣不可選也朱穆絕交論
作不可算也周禮大司馬撰車徒注撰讀爲算論
語斗筭之人何足算也漢書車千秋贊云斗筭之
徒何足選也是其証已

約五幅無紃○注云紃以組類爲之綴之領側若今被
識矣生時禪被有識死者去之異於生也紃或爲黹
喬樅謹案詩葛覃傳古者后織元紃釋文云紃織

五采如縮狀正義云統織五采爲之統雖備五采然國語魯語及毛傳並云后織元統則統自以元爲正色冕之前垂及懸瑱之物皆用之後遂施之於被綴之領側緣飾以爲識領謂被頭側謂被旁也字亦作衽玉篇衣部衽被緣也廣韻四十感引埤蒼亦云衽被緣也統或作黹者統與髡通詩髡彼兩髦說文引作統文選魏都賦髡若元雲舒蜺以高垂注髮垂貌也埤又與黹通文選藉田賦翠幕黹以雲布注引魏文帝愁霖賦曰元雲黹其四塞黹黑貌也點說文小黑也玉篇黑部黹下云黹

點垢濁是黜點義同故或假點爲統字也

君之喪大胥是斂眾胥佐之大夫之喪大胥侍之眾胥是斂士之喪胥爲侍士是斂○注云胥樂官也不掌喪事胥當爲祝字之誤也大祝之職大喪贊斂喪祝卿大夫之喪掌斂士喪禮商祝主斂

喬樅謹案周禮春官大祝下大夫二人上士四人小祝中士八人下士十有六人喪祝上士二人中士四人下士八人儀禮士喪禮夏祝鬻餘飯注夏祝習夏禮者商祝襲祭服注商祝習商禮者祝取銘置于重注祝習周禮者也小祝喪祝皆所謂眾

祝者祝亦謂喪祝夏祝商祝則喪祝之屬耳

士與其執事則斂○注云執或為僦

喬樅謹案集韻二十六緝僦執事者通作執類篇

人部字作僦云執事者陸德明禮記釋文云為僦

音執本亦作執案執字疑誤攷集韻類篇並云執

古作執釋文執字蓋執之譌古文字少藝藝字皆

作執勢亦假執字為之禮運在執者去身也執即

執之異文集韻十三祭執古作執執者其持種之

執亦持也義得相通

裁猶冒也○注云裁猶別也字或為材

喬樅謹案裁與材古通用字國語魯語夫苦匏不材於人注材讀若裁晉語官師之所材也注材古裁字荀子解蔽篇經緯天地而材官萬物注材或爲裁材又通作財財裁古亦通用易泰卦財成天地之道釋文荀本作裁漢書律厯志下引亦作裁成天地之道又繫辭化而裁之釋文裁本作財荀子非十二子篇一天下財萬物儒效篇然而通乎財萬物養百姓之經紀注並云財與裁同

祥而黜聖○注云黜聖聖室之飾也地謂之黜墻謂之聖黜聖或爲要期

喬樅謹案聖室猶言惡室也倚廬者倚木爲廬不
柱楣不塗旣塗柱楣塗廬不於顯者旣練居聖室
塗之以泥而不爲飾故名惡室雜記廬聖室之中
釋文聖本作惡是也儀禮旣夕記主人乘惡車注
古文惡作聖釋名釋宮室曰聖亞也次也先泥之
次以白灰飾之也亞音惡易繫辭而不可惡也釋
文苟爽本作亞禮器必先有事於惡池秦惠王詛
楚文作亞駝是亞卽惡字爾疋注曰黝黑飾地也
聖白飾牆也以白飾牆卽劉熙所云次以白灰飾
之也黝聖或爲要期者期猶時也會也苟子富國

篇曰憤然要時務民注要時趨時也馬融長笛賦
曰馳趣期而赴躡注期會也趣期卽趨時之義時
亦會也上文云旣墾君言王事不言國事大夫士
言公事不言家事旣練居望室不與人居君謀國
政大夫謀家事則此旣祥之後可與人要約期會
躬服其事亦承上文言以漸而復常耳

禫而內無哭者○注云禫或皆作道

案士虞禮中月而禫注云禫之言澹古文禫或爲導
說文因讀若三年導服之導

喬樅謹案道字卽導之省借說文一書三言導服

之導谷部凶舌兒从谷省凶古文內讀若三年導服之導木部榦遯其也从木炎聲讀若三年導服之導又穴部突深也一曰竈突从穴火求省讀若禮三年導服之導段玉裁曰今文禮作禫古文禮作導鄭從今文故見古文於注許從古文故皆云導服示部有禫字後人增也導服者導凶之吉也導古語蓋讀如澹故今文變爲禫字胡承珙曰今案經典皆相承作禫無作導者故鄭從今文士虞記注云古文禫或爲導是古文本亦有作禫者也君弔則復殯服○注云復或爲服

喬樞謹案注云復反也反其未殯未成服之服新君事也疏言殯時未成服之服則首絰免布深衣也不散帶故小記云君弔雖不當免時也主人必免不散麻然則服殯服者亦謂服其殯時未成服之服也其義並同

君弔見尸柩而后踊○注云踊或爲哭或爲浴

喬樞謹案上文言大夫士既殯而君往焉君稱言視視而踊主人踊皇氏云雖殯未塗則得踊鄭此注云塗之後雖往不踊塗則不見尸柩故不踊也踊或爲哭者踊必先哭士喪禮君若有賜焉則視

斂君至入門升自阼階西鄉君坐撫當心君哭主
人哭主人拜稽顙成踊又云乃奠君要節而踊主
人從踊或爲踊或爲哭禮節並同作浴者乃字之
誤耳

實于綠中○注云綠爲角聲之誤也角中謂棺內四
隅也此綠或爲篋

喬樅謹案前文君裏棺用朱綠用雜金鑿大夫裏
棺用元綠用牛角鑿士不綠注云鑿所以琢著裏
正義曰裏棺謂以貼棺裏朱繪貼四方以綠繪貼
四角定本經中綠字皆作琢琢謂鑿琢朱繪貼於

棺也阮氏校勘記引惠棟云綠當依定本作琢作
琢者是也琢釋文音陟角反與角音近故爲聲之
誤也若如孔疏本作朱綠則綠繪貼棺四角實于
綠中卽實棺之四角鄭君何必以綠爲字誤耶篋
者廣雅釋器云篋也方言云篋小者謂之篋案此
篋字當讀爲幬廣雅釋器幬篋囊也幬之爲言婁
也婁聚也鄭注言篋與婁通或曰將實爪髮棺中
必爲小囊盛之則篋當亦小囊也莊子達生篇死
得於豚楯之上聚俛之中釋文引司馬彪云聚俛
器名也今冢壙中江爲之一云聚俛棺槨也

大夫殯以幃○注云幃或作罽或作埽

喬樅謹案周禮司几筵每敦一几注敦讀曰燾燾
覆也棺在殯則梓燾既窆則加見皆謂覆之段玉
裁曰敦在古音第十三部燾在第三部聲類不同
而敦弓卽彫弓驚卽雕皆於雙聲求之敦之讀燾
蓋亦以雙聲也據段氏說則此幃字或作罽作埽
者皆以雙聲假借當讀爲敦爾雅釋邱曰邱一成
爲敦邱又曰如覆敦者敦邱孫炎注云敦邱形如
覆敦敦器似孟郭璞注云今江東呼地高堆者爲
敦然則知以敦者謂爲高堆如覆敦之形天子諸

侯之殯也畢塗屋屋謂殯上覆如屋者也天子上
爲四注諸侯不四注皆如屋形以覆之大夫殯不
爲屋但如敦形以覆之士則掘埽見衽塗之而已
不爲敦形也一曰罇平底也見廣川書跋三引字
林曲禮上篇進矛戟者前其罇注平底曰罇取共
罇地君殯用輶輶者四輪迨地大夫之殯廢輶置
棺西墻下倚西壁而三面橫之有平底頓地之象
故稱爲罇又作埽者埽射臬也眾經音義一引通
俗文射棚曰埽蓋亦爲平底以頓於地也
素錦褚加僞荒○注云僞當爲帷或作于聲之誤也

喬樅謹案正義云偽字與帷聲相近又諸本偽字
作于者于帷聲又相近因聲相近而遂誤作偽字
或作于字故云聲之誤也今案記言飾棺君龍帷
黼荒大夫畫帷畫荒士布帷布荒荒謂在上者帷
謂在旁者皆衣柳之飾雜記云素錦以爲屋而行
屋卽此記所謂素錦褚也以褚覆竟始加帷荒於
其上故知偽字乃帷之誤

皆戴綏○注云綏當爲綏讀如冠韡之韡

案詳見前王制

君薨用輴四綰二碑御棺用羽葆大夫薨用輴二綰二

碑御棺用茅土葬用國車二綽無碑比出宮御棺用功
布○注云大夫廢輜此言輜非也輜皆當爲載以輅車
之輅聲之誤也輅字或作團是以又誤爲國輅車輅車
也綽或爲率

案輜輅說詳見前雜記綽卽紼字

喬樅謹案率卽綽之消借詩采菽紼縞維之毛傳
紼綽也爾雅釋水紼綽也孫炎注紼大索也釋文
云紼字本或作綽王制爲越紼而行事注紼輜車
索周禮遂人及葬帥而屬六綽注綽舉棺索也儀
禮旣夕禮屬引注引所以引輅車在軸輜曰紼釋

名釋喪制曰從前引之曰紼紼發也發車使前也
紼又作弗左氏宣八年傳始用葛弗注弗所以引
柩正義云弗字禮或作紼或作紼繩之別名也

凡封用紼負碑去引○注云封周禮作窆窆下棺也此
封或皆爲斂檀弓曰公輪若方小斂班請以機封謂此
斂也

案詳見前檀弓

喬樅謹案封或爲斂者斂藏也檀弓上篇國子高
曰塋也者藏也藏也者欲人之弗得見也是故衣
足以飾身棺周於衣槨周於棺土周於槨釋名釋

喪制曰衣尸棺曰斂斂者藏也斂藏不復見也案封亦斂藏之意故鄭君言棺之入坎爲斂與斂尸相似記時同之耳

大夫士以咸○注云咸讀爲緘今齊人謂棺束爲緘繩咸或爲械

喬樅謹案廣雅釋器緘索也莊子肱篋爲釋文引廣雅曰緘繩也釋名釋喪制曰棺束曰緘緘函也古者棺不釘也咸者緘之消借莊子天運篇其有機緘而不得已耶釋文緘司馬本作咸是二字通用之証咸又作械者說文械篋也从木咸聲緘束

禮記鄭讀攷

卷五

箴也从系咸聲蓋亦以聲同通假史記天官書間
可械劍蘓林曰械音函函容也索隱云械字本有
函音故字從咸

祭法第二十三

相近於坎壇。○注云相近當爲禳祈聲之誤也。

喬樅謹案釋文云相近依注讀爲禳祈如羊反下音巨依反王肅作祖迎也臧玉林曰案禳字从襄襄與相聲亂祈近皆斤聲故禳祈誤爲相近注義甚精鄭不云相近或爲祖迎則知本無作祖迎者孔叢子書論云祖迎于坎壇所以祭寒暑也與王肅同書禮于六宗正義云惟王肅據家語六宗與孔同則家語言六宗亦取祭法爲說其相近於坎壇必作祖迎於坎壇孔叢子僞書疑與家語皆出

於肅手故其文往往互相祖述鄭以相近爲禳祈
聲近之誤肅於禮記改爲祖迎見作相近者乃形
近之誤而非聲近之誤肅解禮記及家語祖迎當
同周禮迎寒迎暑說今家語雖闕可據孔叢子推
測之又恐後人不信其說因託之家語又著之孔
叢子以証之喬樅謂禳猶郤也則禳卽攘郤之義
宋本岳本禳祈禳郤字皆作攘衛氏集說同是鄭
君讀相爲攘攘古文消作襄詩出車獫狁于襄釋
文襄本或作攘可証襄相古多假借用之楚詞離
騷聊逍遙以相羊文選上林賦逍遙乎襄羊西京

賦相羊乎五柞之宮是其驗也近字古音如祈詩
杵杜會言近止征夫邇止以近與邇韻崧高往近
王舅鄭箋讀如彼記之子之記說文邇讀與記同
是詩以近爲邇字之假借皆讀聲相似故耳

幽宗祭星也雩宗祭水旱也○注云宗皆當爲禋字之
誤也禋之言營也

喬樅謹案禋誤作宗者蓋簡蝕去上半字故與宗
形近似而譌也周禮大祝四曰禋注引鄭司農云
禋日月星辰山川之祭也春秋傳曰日月星辰之
神則雪霜風雨之不時於是乎禋之山川之神則

水旱癘疫之災於是乎禜之元謂禜如日食以朱
絲禜社攷說文示部禜設綿蕤爲營以禳風雨霜
雪水旱癘疫於日月星辰山川也从示榮省聲一
曰禜衛使災不生禮記曰雩禜祭水旱據許引禮
記直作雩禜是禮家舊讀宗皆爲禜鄭君亦依師
讀說之初學記十三禮部引王肅尚書注曰幽禜
祭星也雩禜祭水旱也藝文類聚三十八卷祭祀
類引王肅注同肅好與鄭爲難者亦讀宗爲禜益
足証其爲舊讀如此

顯考無庸○注云此適士云顯考無庸非也當爲皇考

之誤

喬樞謹案據上文云大夫三廡二壇曰考廡曰王
考廡曰皇考廡顯考祖考無廡下文云官師一廡
曰考廡王考無廡則適士二廡祭考與王考其皇
考卽無廡是顯字當爲皇之誤皇考者曾祖也顯
考者高祖也

祭義第二十四

霜露既降。○注霜露既降禮說在秋此無秋字益脫爾
喬樅謹案據下文春雨露既濡有春字春秋互文
知此無秋字偶文脫耳云禮說在秋是禮家師說
皆以爲宜有秋字也

饗者鄉也鄉之然後能饗焉。○注云上饗或爲相

喬樅謹案郊特牲相饗之也注云相謂詔侑也詔
侑尸者欲使饗此饌也又云祭祀之相主人自致
其敬盡其嘉而無與讓也注云相謂詔侑尸也故
此記饗字或作相相饗聲亦相近一曰詩采蘋于

以湘之毛傳湘亨也漢書郊祀志禹鑄九鼎皆嘗
鵬亨上帝鬼神顏注鵬亨一也鵬亨煮而祀也引
韓詩曰于以鵬之案湘卽鵬之古文假借字湘鵬
並訓爲亨亨古文皆作亨饗與亨同饗字之假作
相猶鵬字之假作湘也

趨以數○注云趨讀如促數之言速也

案詳見前曾子問

齊齊漆漆然○注云漆漆讀如朋友切切

喬樅謹案漆在入聲五質切在入聲十六屑質屑
古音同在第十二部故切切漆漆得以聲近假借

漆漆者容也自反也注云自反猶言自脩整也攷
廣雅釋訓云切切敬也敬卽脩整之義王氏念孫
曰論語子路篇朋友切切惺惺兄弟怡怡馬融云
切切惺惺相切責之貌怡怡和順之貌案切切惺
惺益皆敬貌朋友則尙敬兄弟則尙和大戴禮會
子立事篇云宮中雍雍外焉肅肅兄弟惺惺朋友
切切遠者以貌近者以情近者以情謂雍雍惺惺
也和也蓬者以貌謂肅肅切切也敬也切通作漆
鄭注祭義云漆漆言自脩整是亦以漆漆爲敬也
已徹而退無敬齊之色而忘本也○注云而忘本而行

字

喬樅謹案上文固也疏也不愛也教也與此句文皆一例故知而字爲衍文

卿大夫序從○注云序或爲豫

案鄉射禮豫則鈞楹內注今言豫者州學也讀如成周宣謝災之謝周禮作序今文豫爲序

喬樅謹案說文豫象之大者序東西墻也敘次第也三者雖義異而聲皆相近故古文多通用爾雅釋言豫敘也釋地豫州釋文引元命包云豫之言序也書皋陶謨惇敘九族鄭注敘次序也漢書王

莽傳引作惇序序又與謝通詩崧高于邑于謝潛
夫論志氏姓作于邑于序謝又訓爲敘淮南俶真
訓二者代謝舛馳高誘注云謝敘也

爛祭祭腥而退○注云爛祭祭腥或爲合祭腥泄膾熟
也

案正義謂爛祭祭腥四字禮記他本爲合祭腥泄膾
熟六字也說詳見前郊特牲

喬樞謹案合祭腥泄膾熟卽郊特牲所云腥肆爛
臚祭也爛與膾通臚熟也泄當是肆之假借古文
肆爲肆見儀禮聘禮記古書肆爲肆見周禮小宗

伯注是肄肄通用肄又與勛通詩雨無正莫知我
勛左氏昭十六年傳作莫知我肄爾雅釋詁勛字
亦作肄肄通作泄猶肄之通作勛也肄肄泄勛古
音皆同部字

殷人祭其陽○注云陽讀爲日兩曰暘之暘謂日中時
也

喬樞謹案陽與暘對文義訓爲明曾子問是謂陽
厭注云明者曰陽是也詩七月我朱孔陽毛傳陽
明也書堯典曰暘谷史記五帝本紀作陽谷正義
曰陽或作暘洪範時暘若漢書五行志作時陽若

論衡寒溫篇陽者陽也是陽陽二字音義並同
終始相巡○注云巡讀如沿漢之沿謂更相從道

喬樞謹案巡與沿訓義相同文選東都賦注引逸
禮曰巡狩者何巡者循也白虎通及風俗通並同
荀子榮辱篇鉛之重之又反鉛察之而俞可好也
禮論篇則必反鉛過故鄉注均云鉛沿同鉛循也
鉛過故鄉禮記三年問作巡過故鄉沿巡俱訓爲
循故古相通假樂記故明王以相沿也注沿或爲
緣緣亦循也見廣雅釋詁四

陰爲野土○注云陰讀爲依廡之廡

喬樅謹案陰字本有廢義釋名釋天曰陰蔭也氣在內與蔭也釋形體曰陰蔭也言所在蔭翳也書洪範惟天陰隲下民馬融注陰覆也覆卽庇廕之義詩桑柔旣之陰女釋文陰鄭音蔭覆蔭也左氏昭元年傳趙孟視陰釋文蔭本作陰

蒸蒿悽愴○注云蒿或爲蕉

喬樅謹案鄭君云蒿謂氣蒸出貌則蒿字當爲歔之假借說文歔氣出兒从欠高高亦聲漢書揚雄傳下則不能溱漪雲而散歔蒸注歔蒸氣上出也文選張華勵志詩注引張揖字詁云歔氣上出貌

歆薦廣韻同在四宵歆舊說文並从高聲蓋皆以音近通假

燔燎羶薌○注云羶當爲馨聲之誤也

案下文亨孰羶薌大戴禮曾子大孝作鮮香詳見前郊特牲

見以蕭光○見間以俠羶○注云見及見間皆當爲覲字之誤也

喬樅謹案正義云凡覲者所見錯雜之義故間旁見也釋文云見依注作覲音間廁之間見間依注合爲覲字音間廁之間攷儀禮士昏禮注引孟子

曰將闕良人之所之釋文云將闕今本亦作見攷
賈疏本作將見引孟子注云聊視也被聊爲視亦
得爲見故鄭此注爲見也喬樅謂賈說非是鄭君
於祭義見字云當爲闕之誤豈引孟子反以闕字
作見乎當從釋文本闕字爲是闕誤分爲見閒二
字者惠棟九經古義謂如孟子正心當爲忘史記
刺齒當爲齧皆一字誤爲一字也

則易直子諒之心○注云子讀如不子之子

案詳見前樂記

故禮有報而樂有反○注云報皆當爲褒聲之誤

案詳見前樂記

故君子頃步而弗敢忘孝也○注云頃當爲跬聲之誤也

案大戴禮曾子大孝篇同

喬樅謹案跬荀子書皆作頃如勸學篇不積頃步
解蔽篇醉者越百步之溝以爲頃步之滄也注云
頃與跬同半步曰跬跬字古書作頃以聲誤而爲
頃字故鄭君云頃當爲跬說文走部赴半步也从
走圭聲讀若跬同段玉裁云赴今字作跬司馬法
曰一舉足曰跬跬三尺兩舉足曰步步六尺讀若

跬同當作讀若圭三字淺人所改也伍被傳作窺
同部假借祭義作頃異部假借支與清轉移次近
也段說良是莊子駢拇篇而敬跬譽無用之言釋
文引向注跬近也跬司馬本作跬是跬卽跬字說
文火部炷行遯也从圭聲讀若回字林炷口穎反
此足爲跬頃古音相近之証

而術省之○注云術當爲述聲之誤也

案士喪禮不術命注古文術作述

喬樅謹案術述古字通用詩日月報我不述韓詩
作報我不術隸釋載漢脩堯廟碑歌術功稱韓勅

後碑共術韓君德政張表碑方伯術職樊敏碑臣
子褒術靈臺碑陰州里稱術皆假術爲述字

吳越第二十五

心惶而奉之以禮○注云怵或爲述

喬樞論案祭義曰春雨露既濡君子履之必有怵
惕之心如將見之卽此心怵之義高誘注云怵然
猶惕然也灌南原道訓怵然若有所誘慕怵或爲
述者以聲同假借述籀文作述見許氏說文故左
傳西乞術史記晉世家作西乞穉漢書武帝紀怵
於邪說如惇曰怵音怵惕見誘怵於邪說也師古
曰怵或體誅字誅者誘也音如戌亥之戌南越傳
曰不可誅好語入朝諸如此例音義同耳是古又

假恍爲誦字皆以音同通借

天子親耕於南郊以共齊盛○注云齊或爲粢

案詳見前禮運

宮宰宿夫人○注云宿讀爲肅肅猶戒也戒輕肅重也
案少牢饋食禮乃宿尸注宿讀爲肅古文宿皆作羞
特牲饋食禮乃宿尸注宿讀爲肅古文宿皆作羞凡
宿或作速記作肅周禮亦作宿

喬樞謹案公食大夫記不宿戒注云食禮輕也此
所以不宿戒者謂前期三日之戒中戒爲宿謂前
期一日士冠禮鄉飲酒禮鄉射禮並言主人戒賓

少牢饋食禮特牲饋食禮並言乃宿尸有司徹言
宗人戒侑是戒輕而宿重禮器七日戒三日宿慎
之至也注云戒散齋也正義以戒謂戒慎宿致齋
也宿之言肅肅敬之義也攷說文戒警也肅持事
振敬也是戒肅皆敬事之意宿或作速者爾雅釋
詁肅速也訓義並通儀禮古文宿作羞者胡承珙
曰漢書百官公卿表上林苑有御羞顏師古曰今
長安城御宿川也羞宿聲相近

及迎牲君執紼○注云紼所以牽牲也周禮作緦

喬樅謹案紼之言引也所以引車者曰鞅所以牽

牲者曰紉說文鞞引軸也从革引聲紉牛系也从
糸引聲讀若改鞞通作紉亦省作引周禮小宰屬
其六紉釋文紉本作引是也紉卽紉之異文周禮
封人置其紉釋文本又作紉衆經音義十五紉古
文紉紉二形同又案封人注引鄭司農云紉著牛
鼻繩所以牽牛者今時謂之雉與古者名同元謂
紉字當以身爲聲儀微阮氏謂國語晉語申生雉
經雉卽紉字紉繩也左傳都城過百雉亦以繩爲
度之名與城之以板爲度名同板度縱雉度橫也
然則雉紉與紉皆繩之別名雉紉聲近假借字紉

紉義同通用字爾雅釋詁雉引同訓爲陳周禮以
紉作縹國語以縹爲雉說文讀紉若吹此可爲音
近義同之証矣

士執芻○注云芻或爲糶

喬樅謹案說文芻刈草也小爾雅廣物稗謂之芻
廣雅釋草稻穰謂之稗稷穰謂之糶是芻糶字通
王氏念孫曰稷莖之名糶猶麻莖之名麩蒲莖之
名騶也玉篇云麩麻莖也古文作麩士喪禮記云
御以蒲敢注云蒲敢牡蒲莖也古文蕪作騶麩騶
糶三字並以芻爲聲義相近矣

百官進徹之○注云進當爲餽聲之誤也進徹或俱爲餽

喬樞謹案下句云下餽上之餘也明此百官有事者皆餽訖乃徹之特牲饋食記曰若有公有司私臣皆徹烝注云公有司亦士之屬命於君者也私臣目已所辟除者疏謂府史之等不命於君者也公有司獻次眾賓私臣獻次兄弟注言亦皆與旅由士禮推之則天子諸侯之祭百官有事於廟者皆餽從可知也進餽聲相近因而致誤耳或本進徹二字俱爲餽則又誤重餽字於文不辭故鄭亦

不從

而舍奠於其廟○注云舍當爲釋聲之誤也

喬樅謹案舍卽捨之消借說文捨釋也从手舍聲
周禮占夢乃舍萌於四方注云舍讀爲釋舍萌猶
釋菜也古書釋菜釋奠多作舍字萌菜始生也釋
奠者告將時田或將征伐甸祝舍奠于祖廟注云
舍讀爲釋儀禮鄉飲酒主人釋服注古文釋作舍
大射儀獲而未釋獲注古文釋爲舍聘禮記釋韋
周禮大馭注引作舍韋皆舍釋通用之証

輝者甲吏之賤者也○注云輝周禮作鞞謂鞞磔皮韋

之官也

喬樅謹案周禮攷工記鞞人爲皐陶注引鄭司農云鞞書或爲鞞皐陶鼓木也元謂鞞者以皐陶名官也鞞卽陶字從革賁疏云後鄭謂鞞人爲皐陶不取鞞字爲官名案賁說非是凡周禮注言故書某爲某與書或爲某文例不同故書卽周禮之古文書則他書耳樂師皐舞注云故書皐作聖鄭司農云聖讀爲皐書亦或爲皐是故書與書分析甚明又大宰官聯注引鄭司農云聯讀爲連古書連作聯古書亦泛謂周秦古書與凡言故書者不同

皆非指周禮本書也此注云輝周禮作鞞明周禮
故書今書同作鞞字故於攷工記前文函鮑鞞韋
裘注云鞞讀爲段按云當作如慝運之運不言異文有作
鞞者然則周禮本作鞞字他書或作鞞耳鄭不言
鞞當爲鞞知是仍從周禮本字作鞞也輝與鞞並
從軍聲故禮記以音同假輝爲鞞字說文革部云
鞞攻皮治鼓工也从革軍聲讀若運或从韋作鞞
是從革者爲正字故鄭注鞞人云鞞卽陶字從草
謂臯陶字亦當從草作鞞也

經解第二十六

故衡誠懸○繩墨誠陳○規矩誠設○注云誠猶審也
或作成

喬樅謹案成者誠之消假字詩我行其野成不以
富論語顏淵篇引作誠不以富檀弓成人有其兄
死釋文成或作郈左氏春秋桓六年公會紀侯于
成穀梁作郈皆假成爲郈字左氏文十一年王子
成父管子小匡篇作城父魯峻碑陰勃海高成河
間阜成又皆假成爲城字

哀公問第二十七

子志之心也○注云志讀爲識識知也

案大戴禮記哀公問于孔子篇正作識

喬樞謹案志通作識易大畜君子以多識前言往
行釋文識劉作志論語子張篇賢者識其大者不
賢者識其小者漢石經識字作志漢書劉向傳亦
作賢者志其大者不賢者志其小者周禮保章氏
掌天星以志星辰日月之變動注云志古文識衆
經音義十六引字詁曰志今作識是志識古今字
之異緇衣篇爲上可望而知也爲下可述而志也

注云志猶知也廣雅釋詁二志識也國語晉語二
三子志之又能志善也注並云志識也王氏引之
曰大戴禮保傅篇成王有知而選太公爲師周公
爲傅左傳昭二十六年宣王有志而後效官有志
猶言有知也楚詞天問師望在肆昌何志王注曰
言太公在帝肆而屠文王何以志知之也志知卽
識知是志與知同義

仲尼燕居第二十八

孔子閒居第二十九

夙夜其命宥密○注云詩讀其爲基聲之誤也基謀也
喬樅謹案說文其籀文箕丌下基也字亦作丌墨
子書其多作丌字丌與六同則其字本有基義基
字作其蓋古文之消借曲禮下梁曰薺其注其辭
也周禮大祝注引梁曰薺其是假其爲其字易繫
辭死其將至釋文其本作期春秋邾庶其漢書地
理志作庶期是假其爲期字儀禮士喪禮度茲幽
宅兆基注古文基作期是又假期爲基字鄭君此
注訓基爲謀義與毛傳異爾雅釋詁基謀也郭璞

注云見詩益本三家詩今文說王氏引之曰書康
誥周公初基作新大邑于東國雒正義引鄭注曰
基謀也與禮記此注同某氏傳以初基爲初造基
於基上加造字以釋之非是基或通作基定四年
左傳管蔡啓商基閉王室謂謀閉王室也郝氏懿
行曰基者釋言云經也設也經營設造與謀義亦
近基又通作謀玉篇廣韻並云謀謀也余疋釋文
基本或作謀益基爲本字謀爲假音謹爲或體耳
至於湯齊○注云詩讀湯齊爲湯躋躋升也

案詳見前樂記

坊記第三十

貴不慊於上○注云慊恨不滿之貌也慊或爲嫌

喬樅謹案說文心部慊疑也女部嫌不平於心也

一曰疑也則古者嫌恨之嫌與慊疑之嫌字通用

易文言傳爲其嫌於陽也釋文云鄭作謙謙字當作嫌此

轉寫之誤荀虞陸董作嫌詩采薇正義引鄭注云慊讀

如羣公謙之謙古書篆作立心與水相近讀者失

之故作慊古者慊嫌謙皆以音近假借易謙釋

文引子夏傳作嗛嗛謙也大學此之謂自謙注謙

讀爲慊荀子仲尼篇信而不忘處謙注謙讀爲嫌

非十二子篇嗛然而終日不言注嗛與慊同漢書
趙充國傳媮得避慊之便注慊亦嫌字皆其証也
王氏引之曰慊爲古嫌字而學者曾莫之察慊之
音僅見於說文注下小徐音賢兼反大徐音戶兼
切並與嫌同蓋說文舊音也

言乃謹○注云謹當爲歡聲之誤也

案詳見前樂記

大斂於阼○注云阼或爲堂

喬樾謹案士喪禮小斂畢設牀第于兩楹之間奉
尸俵于堂饌于東方奠席在饌北斂席在其東是

大斂於阼卽堂之東階上故或本作大斂於堂仲
尼燕居曰室而無奧阼則亂於堂室是阼亦得以
堂言之也

中庸第三十一

不變塞焉。○注云塞或爲色

喬樅謹案鄭君訓塞爲實是以塞爲塞之假借說
文塞實也从心塞省聲虞書曰剛而塞史記夏紀
作剛而實今書皋陶謨作剛而塞塞或爲色者塞
色音相近漢書西域傳塞種卽釋種亦以聲近借
塞爲釋字一曰色謂正色立朝不變色者不變其
義形於色之素也於義亦通

素隱行怪。○注云素讀如攻城攻其所係之係猶鄉
也

案正義謂鄭注所引據司馬法文

喬樞謹案荀子議兵篇蘇刃者死楊倞注云蘇讀爲僚僚向也文選陶徵士誄僚幽告終李善注云僚向也又漢書鄒陽傳見性素注云素謂心所向也則素字亦有向義向卽鄉也錢大昕曰詩如彼遡風毛傳亦訓爲鄉遡素同音又同義也

可以與知焉。○注云與讀爲贊者皆與之與

案贊者皆與士昏禮文

喬樞謹案說文與黨與也从舛从与舛古文與又与賜予也一与爲与此与予同是古者黨与与

作與賜予之与作与今字同作與又干與之與讀
聲如豫古文或亦借用豫字士昏禮記我與在注
云與猶兼也古文與爲豫鄉飲酒禮賓介不與注
云與及也古文與作豫鄉射禮賓不與聘禮介皆
與士虞禮記主人不與注並云古文與作豫穀梁
傳十九年傳因邾以求與之盟范注與厠豫也漢
書高帝紀下世世無有所與師古注與讀曰豫又
萬民與苦甚師古注引如淳曰與音相干與之與
音讀皆與此注同

君子素其位而行不願乎其外素富貴行乎富貴素貧

賤行乎貧賤素夷狄行乎夷狄素患難行乎患難君子
無入而不自得焉○注云素皆讀爲僚自得謂所鄉不
失其道

喬樅謹案素僚二字今注疏本誤倒惠棟校宋本
作素皆讀爲僚宋監本岳本同錢大昕曰鄭前注
素隱行怪云素讀爲攻其所僚之僚故此處省文
但云素皆讀爲僚前後諸素字鄭皆取僚義而訓
爲鄉也

故栽者培之○注云栽讀如文王初載之載栽猶植也
今時人名草木之植曰栽築牆之板亦曰栽栽或爲茲

案下文上天之栽注載讀曰栽

喬樅謹案栽載並从哉聲故古相通用論衡骨相篇曰出土爲栽葉文選潘安仁在懷縣詩曰稻栽蕭芋芋李善注云凡蒔草謂之栽此名栽植爲栽也左氏莊二十九年傳水昏正而栽注云於是樹板榦而興作疏云栽者樹立之語此名板築爲栽也詩大田俶載南畝箋云載讀爲菑築之菑音讀亦與栽同栽或爲茲者茲古音同部詩下武昭茲來許續漢書祭祀志注引東觀漢記作昭哉來許蓋亦以聲近通假

壹戎衣○注云衣讀如殷聲之誤也齊人言殷聲如衣
虞夏商周氏者多矣今姓有衣者殷之胃與壹戎殷者
壹用兵伐殷也

喬樅謹案惠棟九經古義曰案康誥云壹戎殷故
鄭讀從之古依字作身从反身殷字從此故讀殷
爲烏聲如依也呂覽權勳篇云親鄣如夏高誘注
鄣讀如衣今兗州人謂殷氏皆曰衣言衆民親殷
如夏氏也江聲曰康誥紹聞衣得言衣亦當讀爲
殷謂紹文考所聞殷之德言也逸周書世俘解云
古朕聞文考修商人典是文考聞殷先王之德言

而奉行之尙書先有棘下生之傳後則濟南伏生皆齊人也古人書字聲同則輒假借齊語殷衣同聲故或以衣爲殷喬樅謂禮記傳自后蒼蒼亦齊人也故此篇壹戎殷作壹戎衣僞孔傳乃云壹著戎衣而滅紂斯爲謬矣

踐其位○注云踐猶升也踐或爲纘

喬樅謹案踐纘聲相近詩崧高王纘之事釋文引韓詩作王踐之事踐任也王符潛夫論志氏姓篇作王薦之事益皆以聲近假借史記秦始皇本紀引賈生過秦論然後斬華爲城徐廣曰斬一作踐

索隱曰踐亦出賈本論又崔浩曰踐登也漢書陳
勝項籍傳賈引賈生論作然後踐華爲城集注引
服虔曰斷華山爲城晉灼曰踐登也師古曰晉說
是喬樅謂踐又與剪通史記孝文紀皆無踐集解
引服虔曰踐剪也剪斷也漢書文帝紀集注引伏
儼曰踐剪也故踐字亦得訓斷晉灼崔浩並訓踐
爲登登卽升也

其如示諸掌乎○注云示讀如寘諸河干之寘寘置也
案易寘於叢棘劉表作示

喬樅謹案惠棟九經古義云古寘字多作示范甯

注穀梁引易云繼用徽纆示于叢棘毛詩鹿鳴示我周行箋云示當作寘喬樅謂示寘以聲近假借文選齊竟陵文宣王行狀寘諸掌握正用中庸語荀子大略篇示諸槩括注示讀爲寘

人道敏政地道敏樹○注云敏或爲謀

喬樅謹案敏从每聲古音敏謀相近故得通假左氏僖二十八年傳原田每每舍其舊而新是謀可爲敏謀音近之驗爾雅釋詁肇謀也釋言肇敏也可爲敏謀義通之証郝懿行爾雅義疏曰肇之爲言猶趙也穆天子傳云天子北征趙行郭注趙猶

超騰也與敏疾義近王氏經義述聞曰洪範聰作
謀謀與敏同國語晉語云知羊舌職之聰敏肅給
也小雅或哲或謀毛傳云亦有明哲者有聰謀者
毛傳以聰謀連文猶晉語以聰敏連文聰則敏不
聰則不敏故五行傳曰聽之不聰是謂不謀不謀
卽不敏是毛公之解或哲或謀伏生之解聰作聖
皆以謀爲敏董劉諸儒訓謀爲謀事胥失之也何
晏景福殿賦曰克明克哲克聰克敏義卽本於洪
範然則洪範舊說固有以謀爲敏者矣

仁者人也○注云人也讀如相人偶之人以人意相存

偶言

存偶今本作存問
此換聘禮疏訂正

喬樅謹案儀禮大射儀揖曰偶注云言曰者耦之
事成於此意相人耦也聘禮每曲揖注云曰人相
人偶爲敬也公食大夫禮賓入三揖注云相人偶
惠棟九經古義曰蓋賓主揖讓互相親偶親親之
意亦如之也表記仁者人也注云人也謂施以人
恩也春秋傳曰執未有言舍之者此其言舍之何
也人也正義曰施人以恩謂意相愛偶人也引春
秋傳者成十六年公羊傳文傳稱欲人愛此行父
故特言舍之引之者証人是人偶相存愛之義也

阮氏學經室集曰古所謂人偶猶言爾我親愛之辭獨則無偶偶則相親故其字从人二孟子曰仁也者人也謂仁之意卽人之也論語問管仲曰人也詩匪風疏引鄭注曰人偶同位之辭此則直以人也爲仁也意更顯矣小雅四月先祖匪人胡甯忍予此匪人之人實是仁字卽人偶之意與論語人也相同鄭箋解匪人爲非人孔疏疑其言之悖慢皆不知人卽仁也

既稟稱事○注云既讀爲餼餼稟稍食也

喬樅謹案說文氣饋客芻米也从米氣聲春秋傳

曰齊人來氣諸侯重文樂云氣或从既餼云氣或从食是餼稟字古但作氣或作稟氣既聲同餼稟字同既即稟字之消借說文既小食也引論語曰不使勝食既今論語作氣許氏所稱蓋古論語也儀禮聘禮記曰如其饗既之數注云古文既爲氣考工記玉人以致稍餼注云致稍餼造賓客納稟食也餼或作氣杜子春云當爲餼

久則徵徵則悠遠○注云徵猶效驗也徵或爲徹

喬樅謹案徹與徵義亦相通下文祀不足徵也注徵猶明也廣雅釋詁四徵明也華嚴經音義下引

國語真注徹明也鄭君釋久則微微則悠遠曰此
言至誠之德既著於四方著即明也效驗亦明著
之義王氏引之曰案作徹者爲長徹達也

見周語
韋注

久則由一日以達終身由一時以達萬世故曰久
則徹徹則悠遠蓋徹與微字形相似因譌爲微耳
喬樅謂微字亦有達義說文云微召也从微省王
爲微行於微而聞達者即微也是其顯証

溫故而知新○注云溫讀如燂溫之溫謂故學之熟矣
後時習之謂之溫

喬樅謹案論語爲政篇溫故而知新何晏注曰溫

尋也尋繹故者又知新者皇侃義疏曰溫溫燂也故謂學已得之事也所學已得者則溫燂之不使忘失此是月無忘其所能也新謂時所學新得者也知新謂日知其所亡也溫是尋繹之義亦是燂煖之義也廣雅釋詁三溫煖也水經延江水注溫水一曰煖水左氏哀十二年傳盟若可尋也亦可寒也賈逵注云尋溫也有司徹乃燂尸俎注云燂溫也古文燂皆作尋記或作燂春秋傳曰若可燂也亦可寒也鄭君引左傳尋作燂是尋字卽燂之

消借

雖善無徵無徵不信○注云徵或爲證○徵諸庶民○
注云徵或爲證

喬樅謹案書洪範念用庶徵鄭注云徵驗也大戴
禮文王官人篇慎用六證盧注云六證六徵楚詞
惜誦篇所以證之而不遠王注證驗也徵證一聲
之轉訓義相同易損卦徵忿釋文云劉作懲蜀才
作證說文澂清也从水徵省聲禮運澄酒在下澄
與澂同

無不覆幬○注云幬亦覆也幬或爲壽

喬樅謹案說文壽溥覆照也从火壽聲廣韻幬字

同燾左氏襄二十九年傳如天之無不疇也史記
吳太伯世家作燾逸周書作雒解燾以黃土注燾
覆也後漢書朱穆傳故夫天不崇大則覆疇不廣
注云疇亦覆疇與燾同公羊文十三年傳魯公燾
注云燾者冒也冒卽覆之義釋文燾本作濤蓋亦
以聲同假借

上天之載○注云載讀曰栽謂生物也

案詳見前

肫肫其仁○注云肫肫讀如誨爾恇恇之恇恇恇懇誠
貌也肫肫或爲純純

喬樅謹案集韻諄或作淳通作純肫詩抑誨爾諄
諄釋文諄本作純鄭君引作肫肫者肫蓋淳之異
文文選班固西都賦命夫淳誨故老卽用抑詩語
淳之或作肫猶諄之或作純也爾雅釋訓純純藐
藐釋文云純本作諄老子道經沌沌兮釋文云沌
本又作肫亦以聲同假借莊子胠篋篇而悅夫淳
淳之意注淳淳以已誨人也肫肫或爲純純者荀
子哀公篇繆繆肫肫其事不可循注云肫與純同
大戴禮哀公問五義云穆穆純純其莫之能循儀
禮士昏禮肫脾不升注云肫或作純皆聲同假借

宇